



UNIVERSIDADE
DE VIGO

ASUNTO: INFORME EN RELACIÓN COS ESCRITOS DOS PROFESORES PELETEIRO E CERDEIRIÑA DA FACULTADE DE CIENCIAS DE OURENSE SOBRE OS TRIBUNAIS DE QUINTA, SEXTA E SÉTIMA CONVOCATORIA E FIN DE CARREIRA E XUNTA DE VALIDACIÓNS.

En relación coa materia do epígrafe, prácame informarlle o seguinte:

Primeiro.- En relación á consulta formulada en relación a que consonte á Normativa Vixente exista un Tribunal Único para as convocatorias de Quinta, Sexta e Sétima e Fin de Carreira, ou deban ser varios en función das asignaturas e áreas de coñecemento involucradas, debe tomarse en consideración que a Normativa de Xestión Académica establece no seu artigo 13. 3 punto oitavo:

“Os exames que deberán ser cualificados por tribunal son os correspondentes ás convocatorias seguintes:

a) quinta

b) sexta

c) sétima

d) fin de carreira

Os tribunais, titulares e suplentes, das convocatorias mencionadas serán designados pola Xunta de Facultade ou Escola entre profesores numerarios da área/s de coñecemento correspondente/s, ou no seu defecto de áreas afíns, oído o Consello de Departamento.

Os tribunais estarán integrados por tres membros, actuando un dos seus membros de Presidente e outro de Secretario.

O tribunal será designado ao comezo do curso e actuará durante todo o curso académico.”

Polo tanto, non se impón a existencia dun tribunal único ou varios senón que o requisito que se debe respectar ineludiblemente é que:

“Os tribunais, titulares e suplentes, das convocatorias mencionadas serán designados pola Xunta de Facultade ou Escola entre profesores numerarios da área/s



UNIVERSIDADE
DE VIGO

de coñecemento correspondente/s, ou no seu defecto de áreas afíns, oído o Consello de Departamento."

Segundo.- En relación á consulta formulada sobre o artigo 8 da Normativa de Xestión Académica da Universidade:

"As resolucións individualizadas das solicitudes correspóndenlles, por delegación rectoral, ós decanos/as ou directores/as de centro, tralo informe favorable da Xunta de Validacións que, á súa vez, deberá solicita-lo informe das áreas implicadas a través do departamento."

No suposto de que as resolución recaídas sexan recorridas en reposición, os centros deberanlle remiti-lo expediente correspondente por vía de urxencia ó rector/a, que resolverá tralo informe da comisión técnica que estime conveniente."

Para os efectos de axilización procedemental, e sen prexuízo da necesidade da resolución expresa, a Comisión de Organización Académica e de Validacións poderá, consonte os antecedentes, establecer táboas de adaptación e validación entre disciplinas de diferentes titulacións, de tal xeito que os alumnos/as poderán formaliza-la matrícula coa presunción de adaptación ou validación das devanditas materias."

Os recoñecementos de validación como libre elección de materias superadas noutras titulacións da Universidade de Vigo, e que se lle desexen imputar á titulación que o estudante está a seguir, recoñeceranse sen necesidade do informe do centro sempre e cando nos acordos da Xunta de Goberno que aproban as materias de libre elección para cada curso académico non figurase como excluída por ter contidos idénticos ou moi similares ós das disciplinas da titulación para a cal se pretenda imputar; neste caso non procederá a validación."

Ao respecto, pregúntase se a normativa contempla a posibilidade de que se realicen validacións sin ter solicitado informe das áreas implicadas a través do departamento ou pola contra se debe solicita rinforme das áreas implicadas a través do Departamento responsable con prioridade a realizar unha validación.

SECRETARÍA XERAL



UNIVERSIDADE
DE VIGO

Pois ben, en relación coa consulta formulada, o informante non pode máis que dar traslado da literalidade do artigo 8 citado, sen interpretación algunha a maiores xa que determina de xeito claro que:

“As resolucións individualizadas das solicitudes correspóndenlles, por delegación rectoral, ós decanos/as ou directores/as de centro, tralo informe favorable da Xunta de Validacións que, á súa vez, deberá solicita-lo informe das áreas implicadas a través do departamento.”

Polo tanto non cabe mais que dicir que no procedemento debe ser cumprido todo requisito que esixe a redacción do artigo 8 recién transcrito.

Este é o parecer desta Asesoría Xurídica, que gustosa somete a outro máis fundado.

Vigo, 14 de setembro de 2009

O Letrado

Andrés Dapena Paz

SECRETARÍA XERAL